

聞諸耆舊 古者本社在今神祠之山上 基址宏壯 所撰小社四十餘 神戶不下一千石 祭祀極豐厚 永祿中經小田氏知天庵之亂 悉罹兵燹祠宇蕩盡神戶亡失 僅存百分之一 祠官不能復古 構小祠于海墻以供歲時 然靈應休徵不以盛衰虧其德幽顯無間古今一致

今採祠官所修烝嘗之略耆老所說影響之報 具列于左 庶使觀者備知二神經營天下之本末緣由 以備他日興隆之依處

每年十二月晦夜至正月七日 社司直神殿不許外出 唯供粢醴不奏神樂 村中絲管金鼓一切禁之 寺院不得鳴鐘聲 宮田一村不得興宮築 至七日巳時初奏神樂奉祝辭 以禱四海昇平五穀豐熟 禮畢弛禁

八月朔 宮碇網掛兩村祠官二人護送矛盾而來 号盾曰鬼板闊二尺長三尺許 古畫漫漶雖不可識別而皆魑魅魍魎之形也 持鬼板者名曰政所着青襖 扈從四人着肩衣袴 其一名曰代官 其三名曰士 興政所皆騎而來直神殿之北有壇場

翻鬼板有三五七之数 哄喊三次 鎮矛鬼板於一坎 祈海內
寧謐 又喊一次 歸至神殿告利成各罷歸 相伝古昔鹿島祠
官來行此礼 道路遼遠每遭風雨多致廢弛 故祭鹿島神于兩
村以修之 古壇場去今之地可六百步 本社素藏一神刀 每
行禮奉而從之比還 洗神刀於溪水 名曰金洗澤 近世沙填
水涸唯地名存而此儀亦廢矣

八月上子 修新嘗祭以祈年穀

九月二十五日 有賀村明神祠官持矛 村民數十人護衛而
來 安矛神殿修祭而去 有賀村所祭亦鹿島神也 可見上世
奉天神勅 使于大巳貴命克成遜讓退避之美金石盟終不渝也

九月二十九日 十一月十日亦修祭祀 宮崎祠官來助之

十一月至正月嚴凝霽癸時 每旦海上氛霧大起名曰海烟
咫尺不能辨物 自神殿前至鹿島浦濶可三十步絕無海煙 舟
楫帆席瞭然可見 古來相伝兩社神靈來往之道路也

近村無鹿 有時而 亦相伝鹿島明神之使令也 里人必謹護
送向鹿島而放而放去以為常

宮田一村以漁釣為業 自古無溺死者 亦無瞽者 有瞽者
皆自他村來寓者也

元祿六年七月七日銚子濱漁人出釣鰹魚 風濤俄起舟破楫
摧 溺死七百五十六人 本村人六十三人在其舟中無一隕命
者 当傾覆時一齊懇祈本社以故皆得免 此輩雇能畫者 畫
一大龍于木板 負荷而來揭神殿以賽之 中有一篙？頑而佷
不興其事 忽口眼喎斜而脚癱瘓不出五日而死 沿海村里詫
為神異

元祿九年七月二十六日 本村舟子十五人 與岩城管内小
名四倉等海浜漁者出釣鰹魚 洋中急遭大風 舟悉破壞溺死
三千余人 本村舟子同嬰其禍 攀縁小板漂流一晝夜 洋中
或遇商舶漁船蒙救援皆悉得生還 亦由默禱本社也

寬永元年七月 本村日藤左衛門者與儕輩十三人駕一船釣

鯉魚 大風簸舟幾及岸而覆 得免者十二人皆本村漁者也
溺死二人逢瀨川尻漁者也 人咸異之

曰賀茂衛門者駕小舟釣鯛魚 亦遭大風不還 其家以為死
請僧薦拔 經七日有飛報同舟四人漂着下總長井濱皆恙 及
歸訊之對曰 漂蕩六日絕不粒食 唯輸款誠處禱 而已凡此
數事皆里人面所聞見 其言鑿鑿有掾神之所佑昭著顯赫可不
欽哉

大洗磯前本緣一卷不敢杜撰一語 皆掾日本紀旧事記古事
記文德実録延喜式神書抄諸神記等纂録之 至禊祥影響之事
皆掾耆舊所說書之 其間頗有近語怪者

然柳州羅池廟碑載李儀慢侮堂上 得疾即死昌黎豈欺我哉
李德裕永嘉之廟 至宋元祐中始著響應 於是有海神靈録之
撰

二神財成輔相範圍曲成 德洽四表化被八埏 蓋大已貴之

讓等於泰伯 少彥名之功庶幾神農氏 豈宗元德裕之所得肩
比哉

昔者承久之役東兵春日貞幸 渡宇治河馬斃而溺 匍匐水
底虔禱諏訪將神 絕而復蘇事在 東鑑咸共所知 儻信彼而
疑比固非通論

善乎馬端臨之言也 人受生於天地 稟氣於陰陽五行 日
月星辰實照臨之 山川神祇實擁護之 則夫疾痛而呼歛厄難
而叩祈首過 雪愆祈恩諸福 而天地明神鑒其懇誠 為之悔
禍降祥 則亦理之所有

二神翺立基業德之至廣功之至大 與天壤並存 與星辰同
照 人能以誠事之 則鑒臨而擁護之 景福胙鬻之來 若執
左券而不？也

唯其誠 故能感 誠則明感則應 子思子曰至誠無息 孔
子曰齊明盛服以承祭祀 洋洋乎如在其上如在其左右 至誠

之道可以通神明

雨暘若而災害蠲 五穀熟而萬物育放諸四海無不達 垂之
萬世不可滅 冀豈好語神怪者哉 唯欲人之立其誠也

正德五年歲次 乙未 三月 穀旦

水戶府臣安積覺 謹識